



**IZVJEŠTAJ O TRANSPARENTNOSTI**  
**ZA DRUŠTVO BILANS D.O.O. SARAJEVO**  
**ZA 2024. GODINU**

## Sadržaj

|                                                                                                                                                                |   |
|----------------------------------------------------------------------------------------------------------------------------------------------------------------|---|
| 1. Uvod.....                                                                                                                                                   | 3 |
| 2. Pravna forma i struktura vlasništva društva.....                                                                                                            | 3 |
| 3. Upravljačka struktura.....                                                                                                                                  | 3 |
| 4. Sistem interne kontrole.....                                                                                                                                | 4 |
| 5. Posljednja kontrola kvalitete .....                                                                                                                         | 5 |
| 6. Popis revidiranih subjekata od javnog interesa za godinu završenu 31.12.2024. godine.....                                                                   | 6 |
| 7. Izjava o neovisnosti rada društva.....                                                                                                                      | 6 |
| 8. Izjava o kontinuiranom profesionalnom usavršavanju.....                                                                                                     | 6 |
| 9. Financijske informacije Društva za godinu koja je završila 31.12.2024. godine.....                                                                          | 6 |
| 10. Informacije o parametrima za utvrđivanje zarada ovlaštenih revizora koji potpisuju izvještaje o<br>obavljenim revizijama subjekata od javnog interesa..... | 7 |
| 11. Odobrenje izvještaja.....                                                                                                                                  | 8 |

## **1. Uvod**

Ovaj izvještaj je objavljen u skladu s odredbama člana 82. Zakona o računovodstvu i reviziji (Sl. Novine FBiH, broj 15/21) i člana 40. do 43. Direktive Europske Unije o zakonskoj reviziji godišnjih finansijskih izvještaja i konsolidiranih izvještaja (direktiva o reviziji).

Ovaj izvještaj sadrži informacije o upravljanju društvom i usmjeren je na revizijsko poslovanje i usluge povezane s revizijom.

## **2. Pravna forma i struktura vlasništva društva**

Društvo „BILANS“ d.o.o. Sarajevo („Društvo“) je osnovano 2001. godine pri Općinskom sudu u Sarajevo, na osnovu Rješenja o upisu br. UF/I – 23287/01, od 08.11.2001. godine, pod matičnim brojem 1-23287. Jedinstveni identifikacioni broj Bilans d.o.o. Sarajevo je 4200249410008, a PDV broj je 200249410008. Sjedište Društva nalazi se u Sarajevu, ulica Ljubljanska 16A.

Društvo „Bilans“ d.o.o. Sarajevo je dobilo Certifikat o ispunjavanju uslova za rad br. 039 od 20.02.2002. godine, od Zavoda za računovodstvo i reviziju FBiH, kao i licencu od Ministarstva finansija za obavljanje poslova revizije, broj 9090372104 od 23.09.2010. godine.

Osnovne djelatnosti Društva su računovodstvene, knjigovodstvene i revizijske djelatnosti, te porezno savjetovanje. Osnovni kapital društva iznosi 2.000,00 KM.

Društvo je u 100%-tnom vlasništvu fizičkog lica Lejla Avdić-Vajzović, ovlašteni licencirani revizor.

Društvo ima propisanu metodologiju i procedure, baze znanja, tehnologije i pristup visoko specijaliziranim znanjima i novim naprednim idejama. Bavimo se aktivnostima kontrole kvalitete i praćenja usklađenosti, koje obuhvaćaju pružanje usluga, etiku, poslovno ponašanje i pitanja neovisnosti.

Društvo nema registrovane poslovne jedinice.

## **3. Upravljačka struktura**

U skladu sa postojećim Zakonom o privrednim društvima, Društvo je usvojilo Statut, kojim su regulisana prava upravljanja unutar društva. Vlasnik Društva imenjuje Upravu Društva, odnosno direktora i prokuristu Društva. Uprava je odgovorna za postavljanje opših poslovnih ciljeva i osiguravanje usklađenosti s politikama usvojenim od strane Društva. Politike i poslovni ciljevi svake grupe poslovanja (revizija i konsalting) postavljeni su od Uprave Društva.

Upravu Društva čine: Lejla Čaušević, direktor i Lejla Avdić-Vajzović, prokurist.

U skladu sa važećom zakonskom regulativom za obavljanje revizije Društvo ima stalno uposlena tri ovlaštena licencirana revizora: Lejla Avdić – Vajzović, Lejla Čaušević i Altijana Besarović.

#### 4. Sistem interne kontrole kvalitete

Sistem interne kontrole kvalitete se obezbjeđuje kroz usvojene procedure i metodologiju sprovođenja revizije, kao i usvojenim Pravilnikom o reviziji finansijskih izvještaja. Dužni smo poštovati procedure propisane standardima profesionalne kvalitete Revizorske komore u FBiH, čija smo članica. Naše detaljne procedure kontrole kvalitete sadržane su u našim priručnicima o revizijskim politikama. U nastavku slijedi sažetak ključnih politika, stavova, ponašanja i postupanja kojima osiguravamo kontinuirano održavanje visoke razine kvalitete revizije.

Naš sistem interne kontrole je u potpunosti u skladu sa zahtjevima Međunarodne federacije računovođa („IFAC”). Sistem interne kontrole najvećim dijelom je ugrađen u obavljanje naših dnevnih aktivnosti kao sistem kontrole kvalitete. Međunarodni standard kontrole kvalitete (MSKK) 1, kojeg je izdao IFAC, koji je u primjeni od 15. decembra 2009. godine, primjenjuje se na naše revizorsko društvo.

Ovaj standard utvrđuje potrebne elemente sistema kontrole kvalitete koji bi trebao djelovati u revizijskom društvu.

Interne procedure kontrole kvalitete su:

- Odgovornost rukovodstva za kvalitetu revizije
- Etički standardi
- Prihvatanje angažmana
- Upravljanje ljudskim resursima
- Obavljanje angažmana

##### Odgovornost rukovodstva za kvalitetu revizije

Naša Uprava se zalaže i poduzima sve radnje koje su potrebne da se osigura da Društvo predstavlja kvalitetu, nezavisnost, objektivnost i etičko ponašanje. Poduzimaju se aktivnosti za naglašavanje aspekta važnosti „održavanja u kvaliteti”. Isto se ogleda u redovnim sastancima naše Uprave sa svim zaposlenicima. Naša Uprava u svakoj prilici želi naglasiti važnost zadržavanja standarda kvalitete na svakodnevnom nivou. Društvo ima jasnu politiku i proces prihvatanja i nastavka saradnje s klijentima, što je od izuzetne važnosti za pružanje kvalitetne profesionalne usluge i za zaštitu ugleda Društva.

##### Etički standardi

Ugled i uspjeh Društva ovisi o profesionalnosti i integritetu Uprave i zaposlenika. Svi zaposlenici dužni su poštovati etičke standarde u skladu sa relevantnim revizorskim standardima. Navedeni standardi zahtijevaju da naši zaposlenici postupaju s integritetom, objektivnošću, kompetentno i s dužnom pažnjom, da poštuju povjerljivost i da se ponašaju profesionalno. Naši etički standardi u potpunosti udovoljavaju etičkom kodeksu IFAC-a. Zaposlenici prilikom zapošljavanja u našem društvu potpisuju Izjavu o tajnosti i povjerljivosti podataka naših klijenata.

Društvo poštuje pravila vezana za neovisnost u skladu sa revizijskim standardima. Za naše klijente dostavljamo ovjerenu i potpisanu Izjavu o neovisnosti.

### Prihvatanje angažmana

Uslovi vezani za prijavu na određeni angažman su propisani Zakonom. Prije prihvatanja angažmana ključno je procijeniti da li smo sposobni za obavljanje angažmana, te da li možemo osigurati potrebe resurse, kao i da li nam je prihvatljiv integritet klijenta. Direktor društva odobrava procjenu potencijalnog klijenta. Kod klijenata gdje se revizija obavlja prvi put zahtjeva se od revizorskog tima izvođenje dodatnih procedura. Nastavak saradnje s klijentom se provodi jednom godišnje procjenom svih klijenata revizije, kako bi se procijenilo da li je Društvo u mogućnosti nastaviti pružati očekivani nivo kvalitete, odnosno, Uprava ispituje da li postoje razlozi za prekid saradnje.

### Upravljanje ljudskim resursima

Održavamo stroge standarde zapošljavanja, kako za pripravnike, tako i za kandidate s iskustvom, koji uključuju ne samo ocjenu školskog/akadenskog uspjeha svakog pojedinca, nego i razgovore, provjere vjerodostojnosti i reference.

Obuka zaposlenika je trajan proces. Započinje prilikom zapošljavanja osobe i nastavlja se tokom cijele karijere te osobe. Naši zaposlenici sudjeluju u različitim lokalnim formalnim obukama, a također se kontinuirano obučavaju kroz posao. Područja koja su pokrivena edukacijom uključuju temeljne kompetencije u računovodstvu, reviziji i neovisnosti, kao i specijalizirana područja na kojima pojedinac radi. Svi zaposlenici kontinuirano se obučavaju, razvijaju i educiraju. Ključna odgovornost Uprave i ovlaštenih revizora je rad sa svim zaposlenicima; trening, nadzor, obučavanje, razmjena iskustava i biti primjer svim zaposlenicima.

Ovlašteni revizori na čelu angažiranog tima imaju odgovornost, na određeni project, alocirati stručno osposobljene zaposlenike, koji imaju potrebno iskustvo u danim okolnostima.

### Obavljanje angažmana

Konsultacije su ključni element kontrole kvalitete, ukoliko se ovlašteni revizor na reviziji ne slaže sa svim elementima.

Ovlašteni revizor je zadužen za funkcije: upravljanje rizicima, računovodstveno-tehničke usluge, usluge tržišta kapitala, revizijske politike i kvalitet revizije. Ključna odgovornost revizora zaduženog za upravljanje rizicima je da budu sastavni dio postupka prihvatanja i zadržavanja klijenata, odgovoran je za procjenu rizika na kvalitativnoj i kvantitativnoj osnovi. Zaduženi za upravljanje rizicima moraju, gdje je potrebno, biti aktivno uključeni u projektne timove u svrhu konsultacija o pitanjima i prosudbama, kao što su razmatranja o nastavku poslovanja.

## **5. Posljednja provjera kvaliteta rada društva**

U 2016. godini, revizorska komora FBiH je izvršila direktan nadzor i kontrolu rada Društva. Komisija za nadzor i kontrolu kvalitete rada društva za reviziju i ovlaštenih revizora je sastavila Zapisnik broj N-30-1/16 od 13.04.2016. godine. Nakon provedenog direktnog nadzora, Komisija je konstatovala sljedeće: „Društvo je registrovano i posluje u skladu sa važećim zakonskim propisima. Društvo reviziju obavlja na zadovoljavajući način, u skladu sa Međunarodnim revizijskim standardima, Međunarodnim standardima kontrole kvalitete 1 (MSKK 1), Pravilnikom o minimalnom obliku i sadržaju radne dokumentacije obavljanja revizije uz pridržavanje Kodeksa profesionalne etike revizora“.

## 6. Popis revidiranih subjekata od javnog interesa za godinu završenu 31.12.2024. godine

U toku 2024. godine, Društvo je obavilo sljedeće revizije subjekata od javnog interesa i izdalo neovisno revizorsko mišljenje za godinu koja završava na dan 31.12.2024. godine:

- J.P. Visoko Ekoenergija d.o.o. Visoko
- Zavod za javno zdravstvo Kantona Sarajevo
- JU KS Zavod za zdravstvenu zaštitu zdravlja studenata Univerziteta u Sarajevu

## 7. Izjava o neovisnosti rada Društva

Kao revizori finansijskih izvještaja, moramo se pridržavati osnovnih načela objektivnosti, integriteta i profesionalnog ponašanja. Neovisnost je utemeljena u etičkom kodeksu IESBA.

Društvo ima ustanovljene procedure koje se odnose na nezavisnost rada i nezavisnost zaposlenika u odnosu na klijenta i cjelokupno revizijsko angažovanje.

Ne obavljamo nerevizijske usluge klijentima kod kojih obavljamo usluge revizije, odnosno klijentima iz javnog sektora koje su zabranjene članom 71. Zakona o računovodstvu i reviziji u FBiH. Partneri Društva i zaposlenici kontinuirano ispituju sva pitanja u pogledu neovisnosti Društva s obzirom na prihvatanje klijenta

Shodno Kodeksu profesionalne etike revizora i odredbama Zakona o računovodstvu i reviziji BiH, revizorsko društvo Bilans d.o.o. Sarajevo i njegovi uposlenici, u cijelosti poštuju standarde neovisnosti u cilju izbjegavanja sukoba interesa koji bi mogli uticati na integritet, objektivnost i nepristranost u pružanju profesionalnih usluga našim klijentima.

## 8. Izjava o kontinuiranom profesionalnom usavršavanju

Kontinuirano obrazovanje i profesionalno usavršavanje zaposlenika podrazumijeva prisustvo na seminarima Revizorske komore FBiH, seminarima odgovarajućih konsultantskih kuća u BiH, te samoedukacijom kroz stručnu literaturu s područja računovodstva i poreza, kroz odobrene programe od strane Saveza računovođa, revizora i finansijskih djelatnika FBiH ili neposrednim pristupom na dostupne relevantne stranice državnih tijela i stručnih mišljenja.

## 9. Finansijske informacije Društva za godinu koja je završila 31.12.2024. godine

U nastavku su informacije o ukupnom prihodu Društva za godinu završenu 31. 12.2024. godine.

| Opis                       | Iznos u KM     |
|----------------------------|----------------|
| Prihodi od usluga revizije | 132.801        |
| Prihodi od ostalih usluga  | 87.800         |
| <b>Ukupno prihod</b>       | <b>220.601</b> |

Ostale finansijske informacije za Društvo dostupne su u Finansijsko-informatička agencija FIA Sarajevo.

#### **10. Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa**

Zarade ovlaštenih revizora koji potpisuju izvještaj o obavljenim revizijama se utvrđuju na osnovu pojedinačnih ugovora o radu. Ugovorena osnovica predmet je dogovora između poslodavca i ovlaštenog revizora.

#### **11. Odobrenje izvještaja**

Prema saznanju i uvjerenju društva za reviziju i usluge Bilans d.o.o. Sarajevo, informacije sadržane u ovom Izvještaju su tačne.

Ovaj izvještaj o transparentnosti odobrila je osoba ovlaštena za zastupanje društva za reviziju dana 19.08.2025. godine:

Lejla Čaušević, Direktor

Lejla Avdić - Vajzović, Prokurist